


Екі аудан әкіміне ескерту жасады



2-бет

Тиімділіктен бас тартуға болмайды



4-бет

Үстеме баға үдемейді



5-бет



ОРТАЛЫҚ ҚАЗАҚСТАН

ҚАЗДАУЫСТЫ ҚАЗЫБЕК БИ: СӨЗДІҢ АТАСЫ – БІРЛІК, АНАСЫ – ШЫНДЫҚ

ҚАРАФАНДЫ ОБЛЫСТЫҚ ҚОФАМДЫҚ - САЯСИ ГАЗЕТИ

www.ortalyq.kz www.instagram.com/ortalyq.kz/

БЕЙСЕНБІ, 29 АҚПАН, 2024 ЖЫЛ №25 (23 347)

www.facebook.com/ortalyq.kz/ info@ortalyq.kz

ЕРТЕҢ – АЛҒЫС АЙТУ КҮНІ

Бабаларым, рахмет сендерге!

Ұлттың қадір-қасиетін арттыратын мерекелер болады. Алғыс айту күні – солардың қатарында. Ел Президенті Қасым-Жомарт Тоқаев былтырғы құттықтауында осыны айшықтады. Құттықтауында «Бұл мерекеде ұлтымыздың салт-санасында берік қалыптасқан достық, қайырымдылық және ынтымақ сынды мызғымас құндылықтар кеңінен дәріптеледі. Алғыс айту күні қиын-қыстау замандарда да мейірімділік пен жанашырлық таныта білген, әрі бірлігін бекем еткен халқымыздың ізгі қасиеттерін жадымызда жаңғыртады» деп еді. Алып-қосар жоқ. Біздіңше, дөп сөз!


біледі. Бір уыс құрт – кеудесінен жұлып алып, қасіретке малтып, дәм-тұзы таусылға жақын қалған адамзат баласына берген қазақтың өз жүрегі секілді. «...Бірде қыстың таңында біз Жаланаңшөкпен қамыс будаларын аркалап келе жаттық. Жолда жұтаң киінген жергілікті адамдар кезікті. Қастарында балалары бар. Ұл-

баракқа алып келдім. Барақтағы қазақ әйелдері оның тас емес, кептірілген құрт екенін түсіндірді». Бұл – Алжир тұтқыны Гертруда Платайстың естелігі. ...Ең қымбат тас осы шығар әлемде, Ең асыл ас осы шығар әлемде?! Гертруданың жазып кеткен жолдарын,

Ерік НАРЫН,
«Ortalyq Qazaqstan»

Жер бетінде тағдыр талқысына тап болып, тамырынан ажырап қала жаздаған қаншама қасіретті ұлт бар. Тамырынан ажырап, қанбақтай қаңғып кеткен, жоғалып кеткендері де аз емес. Қазақ аман қалды! Өзінің айтатын «Ғайып ерен, қырық шілтені» шығар?! Әйтпесе, көрмегені жоқ. Жаратқанға алғыс! Аса мейірімді Жаратушы таршылықта да кеңдігінен таңбаған, «Жаным – арымның садағасы» деген ұлттың отын өшірмеді. Осылайша, жерде әділдік пен махаббаттың барын көрсетті емес пе?! Қасіретті XX ғасырда (ойлап отырсаңыз, қасірет көрмеген ғасырымыз аз екен) өзегі талып дала кезген, итжеккенге айдалған жұртымыз мыңдаған бейбақтың өмірін сақтап қалды. Құшағын ашты. Сол кең, жылы құшақта өмірге қайта келді. Бұл күнде осы топырақта қалған өзге этнос өкілдері дархан қазаққа алғыс айтады.

Тау халқының маңдайы жарқыраған перзенті, жауырыны жерге тимеген аралас жекпе-жек чемпионы Халиб Нурмагомедов дегенді танитын шығарсыздар... Міне, сол жауынгер халықаралық арналарда қазақ халқына талай алғысын жаудырды. Тебіреніп, толғанып сөйледі. «Қазақ – бауырым!» деді. Бұны жұлдызы жарқырап, миллиондаған жанкүйерге әр сөзін бақтырған өзге де спортшылары айтты. Қазақтың осы бір ұлы қасиетін жаһан жұрты біліп, естіп отыр. Тіпті, жеребе арқылы өзіне қарсылас атанған қазақпен төбелесуден бас тартқандары да бар. Осыны естіген ел таңдай қаққан. Шешен Президенті Рамзан Қадировтың да «Аталарым пейілі кең қазақ жұртының арқасында аман қалды. Біз қазақ халқына қарыздармыз. Басымызды иіп, алғыс айта-



Коллаж жасаған М.Ермежанов

мыз!» деп ағынан жарылғаны да естідік. Баласының жақсы екенін есту – әкеге қандай мақтаншы сыйласа, балаға да солай. «Жақсыдан қалған тұяқ» деп арқаннан қақса, қалай марқаймайсың?! Қайран бабам, әлем жақсылығыңды ұмытпапты! Өз елінің даңқын аспандапқан әлгіңдей ерлердің жан түпкірінен шыққан алғыстарын естігенде, көңіл босап, еріксіз тебіренесің...

Алжирдегі әйелдердің бір уыс құртпен жан бағып қалғаны да жаһан жұрты

көңіл бізді көрген соң сәбилерге қарап бірдене айтқаны мүң екен, балалар бізге қарай тас лақтыра бастады. Айдауылдар «Сендерді Мәскеуде ғана емес, адамзат баласы жек көретінін байқадыңдар ма?» деп қарқылдап кеп күлсін. Тұтқын әйелдер «Бұлардың балаларға берген тәрбиесі осы ма?» деп налыды. Мен әлгі тастардың біріне сүрініп құлап, дәл алдымда жатқан тастан сүт пен ірімшіктің иісін сезгендей болдым. Шетінен тістеп көрсем дәмі тіл үйіреді екен. Сөйтіп, тастарды теріп алып

Өнеге ғып айту керек бар елге!

Басын исіп төске басып қолдарын –

Қазақстан деген жұрттан сәлем де! – деп жырады Ғалым Жайлыбай өзінің «Қара орамал» поэмасында! «Ең қымбат тас, ең асыл ас!» Әлгі естелік те – поэманың эпиграфы.

Жез тырнақты мыстан һәм тажал заманда да адамдықтың биігінен түспеген ата-бабамызға алғыс! Сол тұғырдан жас ұрпақ та түспегей...

ДЕНСАУЛЫҚ

Жылжымалы рентген жолға шығады

Аймақта 24 наурыз – Дүниежүзілік туберкулезге қарсы күрес күніне орай айлық жүріп жатыр. Осыған байланысты облыстық фтизиопульмонология орталығы жылжымалы флюорографиялық қызметті ұсынады.

Орталықтың хабарлауынша, жылжымалы кешен көпшілік орында жұмыс істейтін болады. Атап айтқанда, Қарағандыда «Шығыс» базары маңында – 5-6 наурыз, «Алтын Арба» базары маңында – 7 наурыз, «Арай» базарында – 12 наурыз, сонымен қатар, «Глобал Сити» сауда үйі маңында – 13 наурыз күні, 14-інде – «Ұмай», 15 наурызда – «Горняк» базары мен 19 наурызда «Жұлдыз» базары маңында ұйымдастырады. Теміртауда кешен «Аян-Пассажа» сауда үйінің жанында 20 наурызға дейін істейді. Кешеннің жұмыс істеу уақыты – сағат 10:00-мен 15:00 аралығы. Бұл шара туберкулезді ерте анықтау мен басқа адамдарды сақтандыру мақсатында жыл сайын жасалады. Флюорографияны кез келген адам өте алады. Жеке құжатын көрсетсе жеткілікті.

Өз тілшімізден

Цифрлық аутизм: «сатып алған» аурудың емі бар ма?

Мемлекет басшысы Қасым-Жомарт Тоқаев: «Аутизмге шалдыққан балалардың біздің қоғамға толықтай бейімделуіне көңіл бөлу аса қажет. Олардың арасында қабілетті балалар көп. Мұндай балаларды қолдауды жалғастыра береміз» деген еді кезекті бір мәлімдемесінде. Статистикалық деректерге сенсек, Қазақстанда аутизмге шалдыққан 12 мыңнан астам бала бар екен. Оларға көмек көрсету үшін психологиялық-педагогикалық түзету кабинеттері, оңалту орталықтары жыл сайын ашылууда. Бүгінде елімізде 208 психологиялық-педагогикалық түзету кабинеті мен 18 оңалту орталығы жұмыс істейді. Арнайы аутизм орталықтары да бар. Бұдан бөлек, арнайы білім беру саласындағы мемлекеттік қызмет көрсету стандарттары әзірленіп, бекітілгенін де айта кету керек. Бұл ерекше білім беру қажеттіліктері бар балаларды психологиялық-медициналық-педагогикалық тексеру және кеңес беру, оңалту, үйде тегін оқытуды ұйымдастыруға мүмкіндік береді. Мемлекеттік қолдау да ауқымды.

Жансая ОМАРБЕК,
«Ortalyq Qazaqstan»

Алайда, соңғы он жылда әдеттегі аутизмнен бөлек, «цифрлық аутизм» ұғымы қалыптасты. Денсаулық сақтау саласында ресми диагноз болып қойылмаса да, өскелең ұрпақтың денсаулығы мен өміріне қауіп төндіретін XXI ғасырдың дертіне айналып үлгерді.

Әлемде бұл «дерт» жайлы айтылып жүргеніне біраз болды. «Виртуалды аутизм» терминін алғаш рет 2017 жылы румын психологы Мариус Замфир қолданды. Шетелдік маман «5 сағаттан артық телефон қараған баланың бойында аутизмнің белгілері пайда болады» дейді. Психомоторлық даму кешігеді, тіл кеш шығады,

мінез-құлық бұзылады. Яғни, ол балалар сөйлей алмайды, ойын жеткізе, тіпті, бала болып қатарларымен ойнай да алмайды. Өзінің виртуалды әлеміне «қамалады».

– Аутизмнің бұл түрі қазір әр үйде бар, – дейді логопед Жаңагүл Байкенова. – Үйде қанша адам болса, сонша телефон бар. Әркім өз бетінше, адами қатынас азайған. Бұл – бірінші. Екіншіден, баланың білімге деген ынтасы, жалпы, үлкендерді сыйлау, кішіге қамқорлық таныту азайған сияқты. Себебі, телефонда пайдалы да, пайдасыз да ақпарат бар. Бала оның барлығын екшей алмайды. Қазір балалар ойландырып қалып барады, өздері шешім қабылдай алмайды. Бала ғана емес, үлкендер де.

Логопедтің айтуынша, баламен сөйлесіп, көңіл бөлу керек.



Сурет шық. ақпарат

– Телефон адамның жарты жанына айналды. Үлкендер бала тынышталсын деп телефон беріп қояды. Сол арқылы өз баласының болашағына балта шауып жатқанын толық сезінбейді деп ойлаймын. Әйтпесе, бермес еді. Баламен ойнау, далаға шығу, сөйлесу, қызығушылығын арттыру әсіресе, оның кішкентай кезінде маңызды. Себебі, цифрлық аутизм белгілері 1,5 жастан байқалады, – дейді маман.

Бесіктен бөлі шықпаған балаларға да телефон көрсетіп, музыка қосып қоятынымыз рас. «Телефонды өзі ашып алды» деп

мәз боламыз тағы да. Алайда, оның салдары ауыр болуы мүмкін екені ол сөз ойға келмейді.

«Қамқорлық» оңалту орталығының дефектологы Гүлзира Қонақбаева бүгінгі ата-аналар баласына нені дұрыс, ненің бұрыс екенін түсіндірмейді деп санайды.

– Көптеген ата-ана баласының құлына айналған сияқты. Аузынан шыққанның бәрін орындап, бетінен қақпай өсіруде. Гаджеттерге тыйым болуы керек.

► 5-бет

ВАЛЮТАЛАРДЫҢ РЕСМИ БАҒАМДАРЫ:

•EUR/KZT 487.09

•USD/KZT 448.89

•RUB/KZT 4.89

•CNY/KZT 62.36

Қазақстан Ұлттық Банкінің 28 ақпан, 2024 жылғы дерегі бойынша

